



Sud Bosne i Hercegovine
Суд Босне и Херцеговине

Broj: S1 3 Iž 043774 22 Iž
Sarajevo, 24.08.2022. godine

Sud Bosne i Hercegovine u Sarajevu, u apelacionom vijeću sastavljenom od sudija Dinke Bešlagić-Čovrk, predsjednika vijeća, Vesne Trifunović i Zvezdane Antonović članova vijeća, odlučujući o žalbi Mahira Lušija sa prebivalištem ..., izjavljenoj protiv Odluke Centralne izborne komisije Bosne i Hercegovine broj: 06-1-07-3-983-3/21 od 02.06.2022. godine, o utvrđivanju odgovornosti za kršenje odredbi Izbornog zakona Bosne i Hercegovine, u nejavnoj sjednici, održanoj dana 24.08.2022. godine, donio je

R J E Š E N J E

Žalba se odbacuje kao neblagovremena.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu, utvrđeno je da je Mahir Lušija odgovoran što u 2020. godini nije Centralnoj izbornoj komisiji BiH podnio izjavu o imovnom stanju u roku od 30 dana od dana prestanka mandat, čime je prekršio odredbu člana 15.8 stav 2 Izbornog zakona BiH, pa mu je na osnovu člana 6.7 stav 1 tačka 1 i primjenom člana 19.10. stav 1 tačka b), istog zakona, izrečena novčana kazna u iznosu od 500,00 KM.

Protiv navedne odluke žalbu je izjavio Mahir Mušija u kojoj je istakao da imovinski karton nije podnio zbog dugogodišnjeg lošeg zdravstvenog stanja i činjenice da se niko nije javljao na telefonski broj dat u Opštini Kreševo radi informacija o popunjavanju imovinskog kartona. Predleži da se rješenje poništi i odredi naknadni rok za dostavljanje izjave.

U odgovoru na žalbu Centralna izborna komisija Bosne i Hercegovine predložila je da se žalba odbaci kao neblagovremena jer nije podnijeta u zakonom propisanom roku od dva dana od dana kada je žalitelju odluka dostavljena, ili da se odbije kao neosnovana.

Pošto je ispitalo osporenu odluku u granicama žalbenih razloga, vijeće Apelacionog odjeljenja Suda Bosne i Hercegovine odlučilo je kao u izreci iz sljedećih razloga:

Žalba je neblagovremena.

Odredbom člana 6.9. stav 1. i 2. Izbornog zakona Bosne i Hercegovine („Službeni glasnik BiH“ broj 23/01 do 51/22) je propisano da se žalba na odluke Centralne izborne komisije Bosne i Hercegovine podnosi Apelacionom odjeljenju Suda Bosne i Hercegovine, putem Centralne izborne komisije Bosne i Hercegovine, u roku od dva dana od dana prijema odluke.

Iz predmeta spisa proizilazi da je ožalbena odluka Mahiru Lušija dostavljena putem pošte dana 02.08.2022. godine što potvrđuje dostavnica kao dokaz o prijemu. Nadalje je utvrđeno, da je žalitelj žalbu dostavio predajom preporučene pošiljke dana 08.08.2022. godine što proizilazi iz potvrde pošte Kiseljak broj RR 91 387 674 5 BA.

Kako je zadnji rok za izjavljivanje žalbe na predmetnu odluku istekao 04.08.2022. godine, proizilazi da je žalba izjavljena protekom zakonom propisanog roka od dva dana od dana prijema odluke koja se pobija.

Iz navedenog razloga utvrđeno je da je žalba neblagovremeno izjavljena u smislu člana 180 stav 2 Zakona o parničnom postupku pred Sudom BiH Sl. glasnik BiH 36/04 do 34/21), te je odbačena primjenom člana 191 stav 1 tačka 1 citiranog zakona, a odredbe kojeg zakona se shodno primjenjuju kako je to propisano članom 60 a) Zakona o upravnim sporovima Bosne i Hercegovine (Službeni glasnik BiHbr. 19/02 do 74/10),

***Predsjednik vijeća
Sudija
Dinka Bešlagić-Čovrk***